

REGISTRACIONI PRAVILNIK

Na osnovu člana 36. Statuta Rukometnog saveza Bosne i Hercegovine, u daljem tekstu Savez, Izvršni Odbor Rukometnog Saveza Bosne i Hercegovine na svojoj sjednici održanoj u Sarajevu dana 11.06.2007. godine, donio je :

REGISTRACIONI PRAVILNIK RUKOMETNOG SAVEZA BOSNE I HERCEGOVINE

1. OSNOVNE ODREDBE

Član 1.

Ovim Pravilnikom se uređuju,

- pravila i postupci registrovanja pripadnika članica i drugih pojedinaca,
 - način prelaza pripadnika iz kluba u klub i njihovo pravo nastupanja u takmičenjima Saveza,
 - nastupanje stranih državljana u takmičenjima Saveza,
 - nastupanje pripadnika Saveza u inostranstvu
- takse

Član 2.

Odredbe ovog Pravilnika su obavezne za sve članice, njihove pripadnike i druge pojedince koji sudjeluju u radu Saveza.

Član 3.

Registar upisanih pripadnika Saveza su javne knjige, koje se nalaze u Kancelariji Saveza. Registri se vode na načelima obaveznosti, javnosti i istinitosti.

2. REGISTRACIJA KLUBOVA

Član 4.

Rukometni klub s područja Bosne i Hercegovine upisuje se u registar rukometnih klubova Saveza prema odredbama ovog Pravilnika.

U Registar Saveza može se registrovati samo rukometni klub koji je osnovan na osnovu odredba Zakona.

Član 5.

Klub koji želi postati pripadnik Saveza mora ispuniti na osnovu uslova (**Obrazac broj 1**) sljedeće uslove:

- podnijeti pisanu molbu za upis u regisrat rukometnih klubova, na za to propisanom obrascu,
- podnijeti pisane dokaze o svojoj utemeljenosti savezno odredbama Zakona,
- podnijeti preslik izvornika Statuta ili drugog propisa, koji uređuje ustroj i način djelovanja kluba i
- uplatiti upisnu taksu **od 200,00 KM** na žiro račun Saveza.

Član 6.

Savez mora u roku od **petnaest (15) dana**, računajući od dana prijema dokumentacije iz člana 5., upisati klub u registar Saveza, i o tome izdati pisanu odluku (**Obrazac broj 2**).

U slučaju određenih manjkavosti ili ne ispunjavanja propisanih uslova, Savez ima pravo vremenski rok iz stava 1. ovog člana, produžiti do kompletiranja dokumentacije, o čemu podnositelj zahtjeva mora biti pisano obaviješten.

Ako podnositelj zahtjeva za upis u registar Saveza ne otkloni nedostatke iz stava 2. ovog člana u propisanom vremenskom roku, smatrat će se da zahtjev nije niti ni podnešen, a podnositelj gubi pravo na povrat upisne takse.

Član 7.

Dva ili više klubova, ne mogu se udružiti u jedan ili više klubova, koji se takmiče u istom ili različitom

stepenu takmičenja, tokom takmičarske godine.

Član 8.

Klub je obavezan o svim promjenama, iz zahtjeva za upis u registar Saveza, pismeno izvijestiti Savez u roku **od deset (10) dana**, računajući od dana stupanja promjena na snagu.

Član 9.

Obaveza je kluba, da jedan put godišnje, obnovi licencu - članstvo.

Prilikom obnove licence – članstva iz stava 1. ovog člana klub uplaćuje godišnju članarinu, čiji iznos propisuje Izvršni odbor Saveza.

Ovjeru licence - članarine iz stava 1. ovog člana vrši Kancelarija Saveza.

Član 10.

Svaki se upis u Registar rukometnih klubova Saveza ovjerava pečatom Saveza.

Član 11.

Klub se briše iz članstva Saveza, na osnovu:

- istupanjem iz Saveza,
- prestankom rada i
- zabranom rada i djelovanja.

3.REGISTRACIJA PRIPADNIKA KLUBA

Član 12.

Pripadnici kluba su,:

- igrači / igračice,
- službena lica i
- drugi

Član 13.

Pripadnici kluba s područja Bosne i Hercegovine registruju se u Registar pripadnika rukometnih klubova Saveza prema odredbama ovog Pravilnika.

Član 14.

Pripadnik kluba može postati svaka osoba koja je navršila **deset (10) godina života**.

Pripadnik kluba stiče i preuzima sva prava i obaveze, koje proizlaze iz, na osnovu:

- Statuta kluba,
- drugih pravilnika kluba,
- Statuta Saveza i
- drugih pravilnika Saveza.

Član 15.

Pripadnik kluba mlađi **od osamnaest (18) godina života**, može postati pripadnik kluba samo uz pisanu saglasnost jednog od roditelja ili zakonskih staratelja.

U slučaju da nije izpunjen uslov iz stava 1. ovog člana, upisivanje se smatra nevažećim.

Član 16.

Obaveza je kluba, da jedan put godišnje, obnovi licencu – članarinu za svoje pripadnike.

Prilikom obnove licencije – članarina iz stava 1. ovog članka klub uplaćuje godišnju članarinu, čiji iznos propisuje Izvršni odbor Saveza.

Ovjeru licence – članarine iz stava 1. ovog člana vrši Kancelarija Saveza.

Svi članovi Saveza, sudije, treneri i ostali obavezni su posjedovati članske knjižice i uredno izmirivati svoje članarine. Članarine se izmiruju kao i kod igrača do **15.02. tekuće godine**. Iznos članarina i članskih knjižica je:

1. Trenerske knjižice **10,00 KM**,
2. Trenerska članarina **20,00 KM**,

3. Sudijska, delagatska i kontrolorska knjižica **10,00 KM**,
4. Sudijska, delagatska i kontrolorska članarina **30,00 KM**,
5. Za ostale knjižica **10,00 KM**,
6. Za ostale članarina **10,00 KM**,
7. Za igrače – ige članarina **3,00 KM**,
8. za igrače – ige knjizica **3,00 KM**.

Član 17.

Svaki se upis u registar pripadnika Saveza ovjerava pečatom Saveza.

Član 18.

Pripadnik kluba ne može istovremeno biti upisan za dva ili više klubova.

Pripadnost se klubu smatra na osnovu predhodnog članstva.

Član 19.

Pripadnik kluba koji u jednom prijelaznom roku potpiše pristupnicu za dva ili više klubova, s potpunom dokumentacijom ili bez nje, gubi pravo prijelaza iz matičnog kluba i ostaje njegovim pripadnikom do narednog prijelaznog roka.

Savez je obavezan protiv pripadnika iz stava 1. ovog člana pokrenuti disciplinski postupak.

Član 20.

Pripadnik kluba kaznjen ili suspendovan može biti registriran za drugi klub pod uslovima iz ovog Pravilnika.

Član 21.

Strani drzavljanin ili igrači s dvostrukim drzavljanstvom mogu se registrovati za klub po postupku u skladu sa propisima IHF-a i EHF-a.

U jednom klubu po uslovima iz stava 1. može biti registrovan neogranicen broj igrača.

Član 22.

Za pripadnika kluba koji se **prvi put upisuje**, klub koji ga želi upisati mora priložiti (**Obrazac broj 3**), na osnovu:

1. obrazac za registraciju popunjen i ovjeren od strane kluba,
2. pristupnicu pripadnika i klubski zahtjev za upisivanje pripadnika, i to u dva primjerka - kartone (**žuti obavezno Savezu**),
3. dvije fotografije (3 cm x 3,5 cm), ne starije od jedne godine i
4. potvrdu o **uplati 15,00 KM** na žiro račun Saveza, radi upisa u registar pripadnika klubova.
5. rodni list (kopija),
6. pismenu saglasnost jednog staratelja – roditelja (**za mlade od 18 godina**),

Član 23.

Za pripadnika kluba koji se **prvi put upisuje**, a nastupao je u inostranom rukometnom klubu ili je bio upisan u inostranom rukometnom savezu (**Obrazac broj 7**), klub koji ga želi upisati mora priložiti,

1. zahtjev za certifikar (**Obrazac broj 10**),
2. obrazac za registraciju popunjen i ovjeren od strane kluba (**Obrazac broj 7**),
3. pristupnicu pripadnika i klubsku molbu za upisivanje pripadnika, i to u dva primjerka – kartone (**žuti obavezno Savezu**),
4. pisanu izjavu pripadnika u kojoj je navedeno za koji je inozemni klub bio upisan,
5. International Transfer Certificate,
6. dvije slike (3 x 3,5 cm), ne starije od jedne godine i
7. potvrđnicu o uplati **120,00 KM** na žiro račun Saveza, u pogledu upisa u registar pripadnika klubova (**Obrazac broj 10**).

Član 24.

Za pripadnika kluba koji prelazi **iz kluba u klub (Obrazac broj 5)** unutar Saveza, klub koji ga želi upisati mora priložiti,

1. obrazac za registraciju popunjen i ovjeren od strane kluba (**Obrazac broj 5**),
2. pristupnicu pripadnika i klubski zahtjev za upisivanje pripadnika, i to u dva primjerka – kartoni (žuti obavezno Savezu),
3. ispisnicu iz predhodnog kluba ili pravosnažnu odluku iz koje je nedvosmisleno vidljivo da isti ima pravo prelaza iz kluba u druge klubove,
4. člansku knjižicu pripadnika,
5. dvije slike (3 x 3,5 cm), ne starije od jedne godine,
6. potvrđnicu o uplati **15,00 KM** na žiro račun Saveza, radi upisa u registar pripadnika klubova , i
7. potvrdu o uplati takse za prelaz pripadnika iz kluba u klub u iznosu od 400 km
8. **obrazac broj 4**, o statusu igrača – ice,

Član 25.

Registraciona komisija mora u roku **od deset (10) dana**, računajući od dana prijema dokumentacije, upisati pripadnika kluba u registar Saveza, i o tome izdati pisanu odluku.

U slučaju određenih nedostataka ili ne ispunjavanja propisanih uslova, Savez ima pravo vremenski rok iz stava 1. ovog člana, produžiti do kompletiranja dokumentacije, a ne duže do deset (10) dana, o čemu podnositelj mora biti pisano obaviješten.

Ako podnositelj zahtjeva za upis u registar pripadnika Saveza ne otkloni manjkavosti iz stava 2. ovog člana u propisanom vremenskom roku, smatrat će se da zahtjev nije bila niti podnesena, a podnositelj gubi pravo na povrat upisne pristojbe.

Član 26.

Protiv pripadnika kluba, kluba i odgovornih službenih lica u klubu, koji je priložio lažne i netačne podatke, u cilju obmanjivanja rada Saveza, obavezno se provodi disciplinski postupak u skladu sa odredbama Disciplinskog pavilnika.

Član 27.

Oblik i sadržaj članske izkaznice propisuje Izvršni odbor Saveza.

Član 28.

Registraciona komisija ima obavezu, u roku **od tri (3) dana** računajući od dana prijama pismenog zahtjeva, izdati duplikat članske izkaznice u slučaju da se predbježna izgubi, ošteti ili postane neupotrebljiva.

Duplikat članske izkaznice iz stava 1. ovog člana izdaje se na pisani zahtjev kluba, uz potvrđnicu o **uplati 10,00 KM** na žiro račun Saveza, radi upisa u registar pripadnika klubova.

4. PRELAZ PRIPADNIKA KLUBA IZ KLUBA U KLUB

A.) Prelazni rok

Član 29.

Igrači - ice, iz kluba u klub, imaju pravo preći tokom prelaznih rokova.

Druga službena lica kluba (liječnici, službeni predstavnici, treneri i dr.) nemaju ograničenja u prijelazu iz kluba u klub.

Član 30.

Razlikujemo redovni i vanredni prijelazni rok za igrače – ice.

Redovni prijelazni rok traje, u vremenskom razdoblju između dviju takmičarskih godina.

Redovni prelazni rok je od 15.07. do 01.08. tekuće godine.

Vanredni prijelazni rok traje, u vremenskom razdoblju prvog i drugog dijela iste takmičarske godine i traje **od 20.01. do 27.01. tekuće godine.**

Član 31.

Redovni prijelazni rok traje **četnaest (14) dana**.

Vanredni prijelazni rok traje **sedam (7) dana**.

Član 32.

Eventualnu izmjenu početka prelaznih rokova određuje Izvršni odbor RS BiH.

Član 33.

Dvadeset četiri (24) sata nakon isteka prijelaznog roka, Registraciona komisija je obavezna izraditi zajednički popis registrovanih igrača – ica, te poštom i putem web stranice RS BiH dostaviti svim članicama Saveza i klubovima.

B.) Način prelaza pripadnika iz kluba u klub**Član 34.**

Pravo prelaska **iz kluba u klub i tretman igrača sa ispisnicom ima:**

- igrač – ica bez ugovora,
- igrač – ica kome je istekao ugovor,
- igrač – ica čiji je klub odlukom Registracione komisije prestao biti članom Saveza.

Član 35.

Igrač – ica, pri prijelazu iz kluba u klub, podnosi pisani zahtjev za izdavanjem ispisnice u prelaznom roku, i to na način da na adresu kluba uputi zahtjev preporučenom poštom s povratnicom.

Klub mora u roku **od sedam (7) dana**, računajući od dana prijema zahtjeva iz stava 1. ovog člana, igraču – ici:

- izdati uredno ovjerenu ispisnicu ili
- izdati pisani obrazložen odgovor s navodom o postojanju prepreka za izdavanje ispisnice.

Ako klub u roku **od sedam (7) dana**, računajući od dana prijema zahtjeva za izdavanje ispisnice, ne odgovori ili zakasni odgovoriti na igračev - zahtjev za izdavanjem ispisnice, smatrat će se da nema prepreke za registraciju igrača – ice za novi klub.

Član 36.

Klub je obavezan izdati ispisnicu igraču – ici, ako su ispunjeni slijedeći uvjeti (**Obrazac broj 6**):

- ukoliko je pisani zahtjev za izdavanjem ispisnice podnesen klubu
- ako je igraču istekao ugovor
- ako je igrač bez ugovora

Član 37.

Oblik i sadržaj ispisnice za igrače/igračice propisuje Izvršni odbor Saveza (**Obrazac broj 6**).

Član 38.

Nakon izdavanja ispisnice igraču/igračici, klub nema pravo osporavanja njene pravovaljanosti.

Član 39.

Redovnim i vanrednim prijelaznim rokom mogu se koristiti svi igrači i igračice, koji ispunjavaju odredbe ovog Pravilnika.

C.) Prigovor na ne izdavanja ispisnice

Član 40.

Pripadnik kluba ima pravo u slučaju ne dobivanja ispisnice za prijelaz u drugi klub, podnijeti pisani prigovor na ne izdavanja ispisnice,.

Uz prigovor iz stava 1. ovog člana, pripadnik kluba mora priložiti, slijedeće:

- kopiju zahtjeva za izdavanjem ispisnice,
- dokaz, da je i kad je podnio zahtjev za izdavanjem ispisnice,
- kopiju u vezi odbijanja zahtjeva za izdavanjem ispisnice i
- potvrdu o uplati **100,00 KM** na žiro račun Saveza.

Član 41.

Registraciona komisija mora u roku od osam (8) dana, računajući od dana prijema prigovora iz člana 39. ovog Pravilnika, u pisanom obliku dostaviti odluku u vezi prigovora, i to:

- pripadniku kluba,
- klubu od kojeg je pripadnik tražio ispisnicu i
- klubu u koji pripadnik želi prijeći.

Odluka iz stavka 1. ovog članka, mora biti jasna i nedvosmislena., s navedenim uslovima prijelaza pripadnika iz kluba u klub i obrazloženjem odluke prema Pravilniku o statusu igrača.

D.Zalba na odluku Registracione komisije

Član 42.

Na odluku Registracione komisije, iz člana 40. ovog Pravilnika, žalbu ima pravo podnijeti,:

- pripadnik kluba,
- klub od kojeg je pripadnik tražio ispisnicu i
- klub u koji pripadnik želi prijeći.

i to u roku od osam (8) dana, računajući od dana prijema odluke.

Član 43.

Podnositelj žalbe, u vezi odluke iz člana 41. ovog Pravilnika, mora priložiti potvrdu o uplati **100,00 KM** na žiro račun Saveza.

Član 44.

O žalbi, u vezi odluke iz članka 40. ovog Pravilnika, konačnu odluku donosi Izvršni odbor Saveza, i to u roku od petnaest (15) dana, računajući od dana prijema žalbe.

5.ZALBA NA REGISTRACIJU PRIPADNIKA KLUBA

Član 45.

Žalba na registraciju pripadnika može podnijeti svaki pripadnik Saveza.

Član 46.

Zalba iz članka 44. ovog Pravilnika podnosi se u pisanom obliku Registracionoj komisiji, u roku od petnaest (15) dana, računajući od dana registracije pripadnika.

Član 47.

Podnosioc zalbe uz zalbu mora predati,:

- pisani dokaz o osnovanosti prigovora i
- potvrđnicu o uplati **100,00 KM** na žiro račun Saveza.

Član 48.

O zalbi na registraciju pripadnika, Registraciona komisija mora donijeti odluku u roku od petnaest (15) dana računajući od dana prijema zalbe.

Član 49.

Na odluku iz članova 47. i 48., pojedinac ili klub, koji se smatra oštećenim, ima pravo podnijeti žalbu Izvršnom odboru RSBIH u roku od osam (8) dana, računajući od dana prijema odluke.

Podnositelj žalbe, uz zalbu mora predati,:

- pisani dokaz o osnovanosti žalbe i
- potvrdu o uplati 100,00 KM na žiro račun Saveza.

Konačnu odluku u vezi žalbe iz stava 1. ovog člana, donosi Izvršni odbor RSBIH, i to u roku od trideset (30) dana, računajući od dana prijema žalbe.

Član 50.

Kada se na osnovu žalbe nedvosmisleno utvrdi nepravilnost registracije pripadnika i prava nastupa, protiv pripadnika, kluba, odgovornih dužnosnika kluba i članova Registracione komisije, mora se pokrenuti disciplinski postupak prema odredbama Disciplinskog Pravilnika Saveza.

6.PRAVO NASTUPA PRIPADNIKA

Član 51.

Igrači i igračice imaju pravo nastupa odmah po registraciji , ako,:

- se upisuju prvi put,
- se upisuju tokom prijelaznih rokova,
- se upisuju temeljem odluke Saveza,
- igrač / igračica dolaze iz inostranstva i
- igrač čiji je klub odlukom Izvršnog odbora prestao biti član Saveza
- ako je placena taksa na račun RSBIH za registraciju za novi klub u iznosu od 400km.
- ako je klub koji prima igrača izmirio finansijske obaveze prema Savezu

Član 52.

Službena lica kluba (liječnici, službeni predstavnici, treneri i dr.) imaju pravo nastupa odmah po upisivanju u Upisnik pripadnika Saveza.

Član 53.

Pripadnici kluba nemaju pravo nastupa na rukometnim utakmicama, bez obzira na vrstu utakmice, ako izdržavaju disciplinsku mjeru, izrečenu od strane Saveza.

Član 54.

Pripadnici kluba imaju pravo nastupa na rukometnim utakmicama, bez obzira na vrstu, tokom trajanja odsluženja vojnog roka.

Član 55.

Klubovi, u svom sastavu mogu imati neograničen broj pripadnika, stranih državljanina, a koji su registrovani u Saveza.

Član 56.

Na revijalnim i prijateljskim utakmicama, pripadnik kluba registrovan za matični klub, ima pravo nastupiti za drugi klub s područja BiH, isključivo uz pisani pristanak matičnog kluba.

7. UGOVORI IZMEĐU PRIPADNIKA I KLUBA

Član 57.

Međusobni se odnosi između pripadnika kluba i kluba uređuju se u skladu sa odredbama Pravilnika o statusu igrača(**Obrazac broj 4**).

Član 58.

Pripadnik kluba i klub imaju pravo sklopiti,:

1. **ugovor o sportskom stipendiranju i usavršavanju,**
2. **ugovor o igranju kao dodatnoj djelatnosti i**
3. **ugovor o profesionalnom igranju.**

Član 59.

Ugovor između pripadnika kluba i kluba upisuje se u Upisnik ugovora u Savezu, i to na osnovu ispunjenog i ovjerenog obrasca(**Obrazac broj 4**).

Član 60.

Ako su igrač i klub, ili neka treća strana, sklopili građanski ugovor, ugovor ne smije biti u suprotnosti s odredbama iz ovog Pravilnika.

Sporovi iz tako sklopljenog ugovora između igrača i kluba ili neke treće strane, u djelokrugu su nadležnog suda i ne utiču na pravo registracije i nastupa u klubu člana Rukometnog saveza Bosne i Hercegovine.

8. USTUPANJE PRIPADNIKA KLUBA (OBRAZAC BROJ 9)

Član 61.

Klub ima pravo, privremenog ustupanja svog pripadnika, drugim klubovima s područja Bosne i Hercegovine, samo uz pisanu suglasnost pripadnika (Obrazac broj 9).

Prilikom ustupanja pripadnika, klubovi i pripadnik, uređuju međusobne odnose, prava i obveze.

Član 62.

Ustupanje iz člana 60. ovog Pravilnika traje najmanje jednu (1) takmičarsku sezonu. Klub može registrovati i za njega može nastupati najviše tri 3 ustupljena igrača

Član 63.

Ustupljeni igrač / igračica ima pravo nastupiti u jednoj takmičarskoj sezoni samo za jedan klub.

Drugi pripadnici kluba (liječnici, službeni predstavnici, treneri i dr.) nemaju ograničenja u nastupanju.

Član 64.

Klub može privremeno ustupiti igrača drugom klubu pod uslovima propisanim u Pravilniku o statusu igrača. Ugovor o ustupanju igrača mora biti potpisan i ovjeren u Savezu **najkasnije 8 (osam) dana prije početka takmičarske sezone.**

Član 65.

Za pripadnika kluba koji se ustupa prema odredbama člana 61. ovog Pravilnika, klub koji ga želi upisati mora priložiti,:

- pristupnicu pripadnika i klubsku zamolbu za upisivanje pripadnika, i to u dva primjerka,
- ugovor između dva kluba o ustupanju pripadnika,
- pisanu izjavu pripadnika iz koje je ne dvojbeno vidljivo da je imenovani voljan nastupati za klub kojemu se ustupa,
- dvije slike (3 x 3,5 cm), ne starije od jedne godine i
- potvrdu o uplati **150,00 KM** na žiro račun Saveza, u vezi upisa u upisnik ustupljenih pripadnika klubova.

Član 66.

Sva prava i obveze u vezi odštete za prijelaz iz kluba u klub, po isteku ugovorenog roka ustupljanja, zadržava klub koji ustupa pripadnika, uključivo i vrijeme ustupanja.

9– DVOJNA REGISTRACIJA (OBRAZAC BROJ 9)

Član 67.

Iznimno od odredbe člana 19, igrač kluba, Premijer lige BIH, mlađi od 21 (dvadeset i jedne) godine i igračica mlađa od 20 (dvadeset) godina uz sporazum dva kluba i igrača odnosno igračice mogu biti dvojno registrovani za još jedan klub koji se takmiči u nižem rangu takmičenja.

Član 68.

Igrač sa dvojnomo registracijom ima pravo nastupa za oba kluba u jednoj takmičarskoj sezoni.

Član 69.

Dvojna registracija važi 12 (dvanaest) mjeseci i može se vršiti samo tokom prelaznog roka. Nakon isteka roka na koji je izvršena dvojna registracija igrač ima pravo nastupati samo za matični klub bez ponovne registracije.

Član 70.

Klub može registrovati i za njega mogu nastupati najviše 3 (tri) igrača sa dvojnomo registracijom.

Član 71.

Igrač koji ima dvojnomo registraciju u takmičenju mladih kategorija i KUP takmičenju može nastupati samo za klub u kojem ima osnovnu registraciju.

Član 72.

Igrač koji ima dvojnomo registraciju, a bude kažnjen od organa koji rukovodi takmičenjem nema pravo nastupa niti za jedan klub za vrijeme dok mu teče kazna.

Član 73.

Za sprovođenje dvojne registracije zaključuje se sporazum između kluba i igrača u kojem se utvrđuju sva prava i obaveze između kluba i igrača Obrazac broj 9.

Sporazum o dvojnomo registraciji može biti raskinut uz saglasnost učesnika u sporazumu.

10. PRIJELAZ PRIPADNIKA KLUBOVA U KLUBOVE U INOSTRANSTVU**Član 74.**

Shodno odredbama IHF-a i EHF-a, te Pravilnika o statusu igrača i drugih Pravilnika Saveza, pripadnici Saveza, imaju pravo registracije i igranja za klubove u inostranstvu.

11. ZAKLJUČNE ODREDBE**Član 75.**

Izmjene i dopune Registracionog Pravilnika se donose na način i po postupku propisanom za njihovo donošenje.

Član 76.

Odredbe Registracionog Pravilnika tumači Izvršni odbor Saveza.

Član 77.

Registracioni Pravilnik stupa na snagu danom donosenja, a njegovim donošenjem prestaje vrijediti Registracioni Pravilnik koji je bio na snazi.

U Sarajevu, 11.06.2007.

Predsjedništvo RSBIH

mr . Petar Milanović

dr. Nevenko Herceg

dipl. ecc Mirsad Sirćo